

sed haud superante, flavente, articulo ultimo nigro-piceo; pedibus flaventibus, tibiis apice tarsisque nigris. Long. ♂ 8—8 $\frac{1}{4}$  mm.

Abessinia: Asmara Cheren!, D. Tellini, 2 ♂♂, comm. D. Schouteden.

Species hemielytris longissimis, pronoto fortiter rugoso signaturisque capitis et pronoti a reliquis bene distinctus. Caput basi pronoti saltem duplo angustius, basi clypei circiter in tertia superiore parte altitudinis capitis a latere visi posita, angulo faciali subrecto. Antennae articulo secundo primo aequae crasso et hoc fere magis quam triplo margineque basali pronoti circiter  $\frac{1}{4}$  longiore, duobus ultimis secundo gracilioribus et fere circiter  $\frac{1}{5}$  brevioribus, quarto tertio parum brevior. Pronotum, strictura apicali excepta, latitudine basali circiter duplo brevius, apice quam basi fere triplo angustius, disco apicem versus sat leviter declivi. Scutellum planum, transversim strigosum. Hemielytra apicem abdominis usque a basi cunei superantia, obsolete punctulata, cuneo valde elongato.

### 13. *Lygus apicalis* Fieb.

Reut., Hem. Gymn. V, p. 110, 29.

Specimina abessinica var. typicae ceteris simillima, sed colore viridi obscuriore articuloque antennarum secundo apice late nigro divergunt. — Adi Agri.

### 14. *Lygus Schoutedeni* n. sp.

Oblongus, pallide virescens, pronoto pallido-pubescente, subtiliter punctulato, scutello hemielytrisque dense subargenteo-pubescentibus, illo transversim strigoso, his subtiliter punctulatis, corio apicem versus cuneoque sublaevibus; oculis fuscis; capite utrinque vitta lorarum margineque peristomii, pronoto fascia ante marginem basalem ultra angulos antrorsum producta, vittula brevi anteriore superiore aliaque percurrente inferiore epipleurarum prothoracis, scutello vittulis duabus apicalibus, hemielytris lineolis maculisque parvis lon-